

摘藻堂四庫全書薈要

史部

欽定四庫全書叢要

史部

硃批諭旨卷二十四中


詳校官編修巨繆晉

欽定四庫全書薈要卷七千九百七

史部

硃批諭旨卷二十四中

硃批陳世倌奏摺


雍正三年正月二十一日山東巡撫臣陳世倌謹
奏為欽奉

上諭事竊臣接准部咨奉

旨道府同知通判州縣等官有才幹素著廉潔自持者
密封保奏二員仰見我

皇上鑒別人材鼓勵官方之至意今查有招遠縣以知
州管知縣事馮慶長原任雲南永平縣知縣以卓
異薦舉臣觀其操守廉潔辦事勤敏魚臺縣知縣
劉元勲遇事勇爲不避勞苦操守俱好委係賢員
謹據實保

奏再查臣屬新分直隸知州各缺有人缺未宜者現
在遵例遴員調補此二員係奉

旨密封保奏未敢遽題可否一併題補引

見伏候

皇上批示遵行臣謹

奏

應保奏者遵旨密奏應題補者仍行題補兩不相妨也
此奏是何意見殊不明晰

雍正三年二月十五日山東巡撫臣陳世倌謹

奏為恭報東省雨澤事竊山左各屬仰賴

皇上福庇正月以來雖雨之大小不同通省俱已溥徧

而二十三、四兩日雨尤霑渥。青萊登。三府報得雨八寸有餘。濟兗東三府報得雨四五寸不等。現今小米每倉石七錢及七錢五六分。麥子每倉石一兩零五六分不等。所有雨澤均調。民間樂業情形理合恭報上慰。

聖懷

臣前奉

諭旨：催漕兵弁最服勞奉公者，令

臣好

量加獎賞。臣隨查

明催漕勤勞馬步各兵俱照伊好一月錢糧賞給深

爲鼓舞合并

奏明臣謹

奏

據奏雨澤情形實慰朕懷更當懋勉吏治以敬迓

天庥

雍正三年三月二十八日山東巡撫臣陳世倌謹

奏爲遵

旨議奏事竊臣蒙

皇上發下條奏一摺爲從前被災時百姓輕價所賣田土許其一年內回贖緣由奉

旨令臣詳細籌畫與兩司秉公密議具奏欽此臣去年

到任時見有具呈請將被災時賣出之田准聽回

贖臣恐復業窮民無田可耕俯仰何賴因查如有

逃荒時賤賣田土除已造房屋墳墓者不許取贖

外其餘准聽回贖臣通行未久即有賣田之人逃

出未歸而他人冒贖者有數十年舊賣之產並非

荒年所賣亦借端爭贖者且有田經轉賣輾轉回
贖者姦徒唆訟因而訐告紛紛臣復經飭禁在案
茲奉

諭旨臣隨與兩司秉公密議得山左田土典者可以回
贖賣者向無回贖之事其被災時所賣之田現在
定期聽其回贖至冬月即行停止似可無庸更定
回贖之令復啓姦民爭訟之端臣等謹據實回
奏伏乞

聖鑒臣謹

奏

田土特令回贖殊啟爭端條奏原不妥協爾等所議甚是當順民俗不可強更之也

同日又

奏竊查現任充運同知楊三炯係浙江紹興府人乙酉科舉人熟諳河務才守俱優署嶧陽縣縣丞黃士瑞係江南淮安府人實心辦事甚屬勤勞查魚

臺縣知縣劉元勲臣現題補濱州知州員缺候

旨引

見如蒙

皇上簡用伏乞

聖恩准以黃士瑞補授魚臺縣知縣員缺實於河漕有
益再泇河通判胡琮聲名狼藉怨聲載道臣謹據
實奏

聞臣謹

奏

照該撫所請如楊三炯推陞他省員缺時著留山東對品補用黃士瑞補授魚臺縣知縣胡琮著革職該部知道

同日又

奏爲奏

聞事竊山左交春雨澤均調麥苗滋長經臣具摺

奏報迨至二月中旬以後濟兗東三府屬雨澤稍缺

上

蒼得

遂所願也

切自

必昭格

頗覺乾燥秋田有未下種者臣現在設壇虔禱俟

禱汝

既設壇祈

求當恪秉一誠毋稍慢忽如果精虔真

河南

亦甚缺

雨朕甚憂之今現爲二省在大內竭誠祈

雖三月

初八十四及二十一等日各州縣亦報得

雨但尚

未霑足下隰麥苗已經秀穗而高原之地

聞蝗

又費縣

報稱去年蝻種間有生發臣隨遣員飭查協

同撲捕務盡其餘並未報有生蝻之處再沂水縣

蝻當嚴督盡力撲捕

初生猶易爲力

聞

盜犯孔林等越獄一案除當時拏獲王四禿子一

名外未獲者八名臣隨遴選幹捕給以重賞責令

名外未獲者八名臣隨遴選幹捕給以重賞責令

名外未獲者八名臣隨遴選幹捕給以重賞責令

密拏茲獲張四回子一名又獲盜首孔林一名其餘現在分差密拏又孔林原案內有未獲逸盜三名今并拏獲王二保馬思全二名及別案有名大盜馬三一名俱發按察司研審具

題外合并奏

聞臣謹

奏

此數名大盜內查其情罪尤可惡者當指名另題立置

重典

雍正三年四月十五日山東巡撫臣陳世倌謹

奏爲

聖敬感孚甘霖連沛事竊山左濟兗東三郡入夏以來
雨澤愆期上煩

聖心軫念竭誠祈禱

天心昭格隨據報到兗州府屬之鄒縣陽穀東昌府屬之
莘縣朝城觀城范縣萊州府屬之掖縣平度州登

州府屬之黃縣俱於初三初四日各得雨二三寸
不等膠州濮州日照福山各得雨四寸蓬萊得雨
五寸十一日德州臨清各報得雨三寸其濟南府
省城一帶於十三日夜間自亥達旦大雨透地四
野霑足十四日復得大雨據近省之長清禹城齊
河濟陽各報得雨五六寸不等此皆實由

皇上誠敬感格

天心默佑俾耕作有資農民安業臣不勝慶幸俟各屬報

到得雨分寸另行恭

奏外所有省城一帶三十四連得大雨緣由謹先
奏

聞上慰

聖心臣謹

奏

知道了一切奏報祇宜據實若有纖芥隱諱即屬欺蔽
也戒之

雍正三年四月二十三日山東巡撫臣陳世倌謹
奏爲甘霖疊沛遵

旨奏

聞事竊山左各屬報得雨日期分寸經臣具摺恭報今
又據濟南府屬之歷城平原鄒平青城臨邑德平
陵縣商河章邱齊東肥城長山淄川等十三縣各
於四月十四五等日得雨三四五寸不等兗州府
屬之滋陽曲阜陽穀東平汶上東阿平陰壽張寧

陽魚臺金鄉等十一州縣各於四月十三四及十

七等日得雨四五六寸不等東昌府屬之聊城冠

縣莘縣邱縣館陶茌平堂邑博平清平臨清高唐

等十一州縣各於四月十三十七等日得雨三四

六寸不等青州府屬之益都高苑博興諸城蒙陰

沂水臨淄等七縣各於四月十四五十八等日得

雨二三五寸不等泰安州及所屬之萊蕪新泰長

清等縣各於四月十四及十七八等日得雨二三

五寸不等濱州及蒲臺陽信等縣各於四月十三日得雨二寸曹州濟寧州鉅野縣各於四月十七日得雨五寸以上報到得雨分寸雖多寡不同而甘霖連沛麥穗得以堅實秋禾皆可播種民情歡悅此皆

皇上誠敬感孚所致再臣接准戶部咨文欽奉

聖諭因山東三月內雨澤稍缺恐糧船淺阻臣即遵

旨嚴飭文武官弁往來河干竭力催趲查今歲重運漕

船前據兗寧道報稱運河淺處已督令印河各官
添築草壩設立挨排蓄水啓閉不致阻滯嗣得雨
之後水勢添長浮送有餘共計南漕船隻過臺莊
閘者至四月十六日已有二千三百一十七隻其
餘銜尾遄行合并奏

聞臣謹

奏

閱此奏大似粉飾之詞朕屢屢切諭諸凡惟宜據實直

陳今仍如此是何意耶

登萊道徐德倣在爾屬員中其官聲究係何等也聞伊
於封祭

海神時恐龍神來朝隨有水電傷損禾稼因書龍王免
朝四字以示之人言如此迂呆云云觀其舉止乖張莅
任臨民必不妥協密行確訪奏聞

雍正三年四月二十九日山東巡撫臣陳世倌謹
奏爲遵

旨奏明事竊臣據提塘康永泰稟稱奏事大人雙全張
文彬石麟傳

旨著山東提塘寫字與巡撫問四月十七十八日有無
得雨情形并蝗蝻如何之處具奏欽此仰見

皇上宵旰焦勞無時不以民依爲念臣查四月十七十
八日各屬報到得雨者已於二十三日繕摺奏

聞今又據兗州府屬之鄒縣等縣東昌府屬之濮州等
州縣青州府屬之日照等縣萊州府屬之膠州等

州縣濟寧州屬之鄆城沂州屬之郯城曹州屬之
定陶等各縣俱報於十七十八等日得雨三四寸
至五六寸不等其未經報到者俟到日另行奏

聞再蝻子生發之處除莒州沂州郯城費縣滕縣陽信

海豐七州縣

臣已奏

聞外又據東平汶上高苑博興樂安壽光霑化蒲臺等
八州縣報有蝻子生發一邑之中或有三四村莊
或有零星畝段

臣接報即委文武官弁馳往協同

該地方官盡力撲捕現據報有已捕盡者有已撲
至八九分六七分者大槩通省報有蝻子生發者
十之一二臣嚴飭地方官親身督捕自不至蔓延
爲害謹據實奏

聞臣謹

奏

知道了蝗蝻之害非旱澇可比確然可以人力勝之惟
看捕之勤與惰耳加意嚴飭撲滅爲期

雍正三年五月十一日山東巡撫臣陳世倌謹

奏爲奏

聞事竊山左雨水情形經臣節次具摺

奏明今於五月初五日省城得雨二寸據濟南府屬之歷城德州新城長山肥城禹城兗州府屬之東阿陽穀東昌府屬之聊城堂邑臨清茌平清平武城博平泰安州及所屬之長清各報得雨二三寸館陶得雨四寸恩縣高唐夏津得雨一寸濟寧州

及青州府屬之益都各得雨五寸秋禾已種者皆
滋潤透長未種者皆及時補種至二麥收成據各
屬報到者濟南府屬新城臨邑長山各有六分青
城七分青州府屬臨朐壽光各六分益都臨淄昌
樂各七分高苑博興蒙陰諸城樂安各八分莒州
沂水日照各九分安邱十分泰安州所屬長清萊
蕪各六分新泰七分武定州及所屬海豐陽信各
七分濱州樂陵各六分其先報旱兗州府屬之平

陰東昌府屬之范縣堂邑各有五六分俱勘不成
災惟武城館陶高唐夏津邱縣并續報旱之德州
平原臨清冠縣各報二三分不等現在委員查勘
其餘俟報到另行具

奏再運河水勢各閘以內足資浮送惟武城館陶臨
清因衛水微弱各有淺阻臣隨委濟東道吳興業
等嚴督該地方官并沿河文武各官立限挑浚深
通務俾糧艘遄行再各屬原報蝻子生發之處據

莒州郯城汶上各報撲捕已盡而登州府屬之萊
陽萊州府屬之平度昌邑亦報有蝻子生發臣隨
委員竭力撲捕倘有怠緩臣即指名

題叅此現在情形也伏念山左泰安州以北從前雨
澤愆期上廛

宸衷竭誠虔禱嗣於四月十三至十八等日各屬申報
此數日內得雨此實由我

皇上誠敬感孚所致臣據各屬印文及委員稟報繕摺

恭

奏蒙

硃批覽奏大似粉飾之詞朕屢屢切諭諸凡惟宜據實
直陳今仍如此是何意耶欽此臣跪讀之下不勝感

懼臣蒙

皇上洪恩畀以封疆重任未能仰體

聖心上感

天和通省普慶豐稔臣罪已實難逭倘於

君父之前少有粉飾臣罪且爲天理所不容臣斷不敢

出此臣惟有益加黽勉諸凡篤實以期仰報

皇上任使洪恩合并

奏明臣謹

奏

所奏俱悉凡封疆事宜一切雨暘情形全憑摺奏無隱
朕一覽得以了然明白若務巧詐以朦混一時究其實
終不能掩飾旣爲朕所深惡亦自蹈欺蔽之愆兩無益

也

同日又

奏爲遵

旨具奏事竊沂水縣越獄盜犯孔林等一案臣將拏獲
孔林張四回子並同案之逸盜王二保馬思全及
本案無名之馬三等緣由具奏奉

硃批諭旨此數名大盜內查其情罪尤可惡者當指名
另題立置重典欽此今嚴訊各盜馬三在直隸屢次

行刦又於寶坻越獄情由可惡已解往直隸督臣
收審歸結孔林又於越獄後屢次糾夥行刦與張
四回子皆係有名積盜法應嚴處臣俱擬以立決
梟示其越獄時先獲之王四禿子及續獲之逸盜
王二保馬思全行刦亦不止一案應俱即正法以
靖地方除繕疏具

題并嚴緝逸盜外臣謹具摺

奏明伏祈

聖鑒臣謹

奏

知道了其未獲盜犯務令竭力捕緝毋致漏脫

雍正三年五月二十日山東巡撫臣陳世倌謹

奏爲遵

旨具奏事竊臣奉

皇上硃批諭旨登萊道徐德倬舉止乖張莅任臨民必
不妥協密行確訪奏聞欽此臣查徐德倬係廩貢出

身原任刑部尚書徐乾學之孫由雲南武定府知府經撫臣楊名時以卓異薦舉陞授今職雍正元年正月內到任其爲人無甚學問而平日辦事尚屬勤慎臣遵

旨密加察訪四月初三日中書臣傅凱恭齋

欽頒祝文香帛至萊州府適連日大風徐德倅恐風不息不知何據云聞得凡使臣渡海齋奉

御物在舟掛龍王免朝牌便風恬浪靜遂與鎮臣黃元

驤及中書

臣

傳凱說知書龍王免朝四字掛於供

奉香帛公所確有其事

臣謹據實奏

聞伏祈

聖鑒

臣謹

奏

知道了俟秋冬暇時著徐德倣來京引見朕自有鑒別也

同日又

奏爲恪遵

聖諭酌議具奏事竊臣蒙

皇上發下條奏一摺爲司府首領等員各給養廉銀兩
緣由奉

硃批此係田文鏡之奏朕之批諭發來爾與布蘭泰同
看爾等前奏亦當斟酌田文鏡言朕論得理今不行
矣密之欽此臣謹奉

聖諭密同布蘭泰跪繹仰見我

皇上至聖至明無事不籌其久遠臣等恪遵

訓旨期於經費不致虛糜屬員各知感奮伏查臣等前

奏司府首領及州縣佐貳雜職教官因各有俸理

應奔走原未議給養廉今臣與布蘭泰酌議凡同

知通判等員遇有差遣量事之輕重計程之遠近

臨時給以盤費俾免周章其直隸州州同四員州

判二員均有督緝之責每員每年各給銀二百兩

資其費用再濟南府知府歷城縣知縣地當省會

公務殷繁非外郡邑可比今酌加濟南府銀一千兩歷城縣銀五百兩庶繁簡有別至耗羨一項一切公務取給其中自宜慎節臣與布蘭泰身受

皇上洪恩涓埃未報前奏臣與布政司衙門所存養廉

銀兩非公捐犒賞萬不得已之事不敢擅動臣到任一年陸續支過銀一萬二千八百五十兩爲運米往淮脚費并犒賞官兵吏役等項之用又臣衙門糧道規禮銀三千二百兩驛道規禮銀三千兩

鹽道規禮銀三千兩臣令停送並未收用合并奏

聞臣謹

奏

操守二字原信得及爾尚恐過於矯廉自矜耳

同日又

奏爲奏

聞事竊山左入夏以來雨水情形麥收分數據各屬報

到者臣俱繕摺恭

奏今又據濟兗東三府屬各州縣報於五月初五初九十四等日得雨二三寸及五六寸不等青萊登三府屬各州縣報於五月初五初六及初九初十等日連得雨四五寸及六七寸不等東三郡及泰安濟寧以南秋禾全種雨後暢茂豐稔可期西三郡內東昌及泰安以北秋禾未種植者亦現在補種至麥收分數濟南府屬俱有六七分惟德州平原禹城止有三四分兗州府屬俱有六七分嶧縣

八分東昌府屬之濮州六分聊城五分清平博平
臨清等各州縣止二三分登州府屬有八九分福
山縣十分萊州府屬有八九分即墨縣十分濟寧
州屬之鄆城及曹州濱州俱各有六分沂州費縣
各九分郟城縣十分武定州屬各七分通省麥收
分數臣三次已全報矣再運河水勢各閘內足資
浮送南漕船據報已過臺莊閘者四千六百餘隻
過濟寧州者二千一百餘隻臣分委文武各員往

來催趲俱可通行無阻惟臨清以北專藉衛河之水濟運今河南上游因水淺築壩蓄船下流更覺微弱漕船出閘以後未免遲滯臣現據兗寧道徐湛恩詳報移咨河南撫臣田文鏡副總河臣嵇曾筠開放輝縣五閘之水以濟漕運合并奏

聞臣謹

奏

臨清以北漕艘稍覺遲滯朕已悉其情但河南亦出於

不得已也此後諒可通行無阻矣

聞得齊河縣知縣王采兩耳重聽不能應對夫察吏安民乃爾督撫專責似此昏庸老邁之員置若罔聞貽誤地方是何意也明白回奏特諭

雍正三年五月二十五日山東巡撫臣陳世倌謹奏爲遵

旨明白回奏事竊齊河縣知縣王采年老重聽蒙

皇上硃批諭旨

命臣明白回奏欽此伏念臣以謏劣菲材蒙

皇上洪恩畀以封疆重任屬員賢否不能早爲激揚以

致上煩

聖心臣跪繹之下惶悚無地查東省貪劣之員臣抵任

後已陸續叅劾其年老衰邁如蓬萊高苑等令臣

現皆先後令其告休在案至齊河縣知縣王采係

山西舉人年近七旬爲人樸讞無文臣到任時王

采即願告休臣因清查各州縣錢糧見王采年紀

雖老而無虧空近因該縣有袁存子被人謀害一案王采審擬苗三爲兇手濟南府知府覆訊苗三非係正兇臣現委員另審如果錯斷即行糾叅若非錯擬准其休致是以未經叅奏今先以老邁題叅但臣愚昧姑容咎實難逭謹據實回

奏伏祈

聖鑒再此外尚有數縣地處衝繁而該員才力不及者亦現在具

題請

旨降調合并聲明

臣謹

奏

朕非欲爾等封疆大吏過於嚴刻也蓋恐漫無覺察致有疎忽耳毋得錯會朕意此奏又與魏廷珍相似也

同日又

奏爲遵

旨實陳事竊臣據布政使布蘭泰面稱伊條奏海疆營

制口岸查船收稅四事奉

旨著與陳世倌黃元驤詳議密奏再定欽此臣查登萊

青三府僻處海隅距省較遠其設立水師戰船分

防口岸

臣見各屬員之際亦時加體訪但非目擊

情形未敢輕奏近臺臣錢廷獻條奏海疆事宜奉

上諭頒發海圖圖說

臣准部咨即擬前往確勘定議

題覆但地方遼廓往返約需兩月目下造報雍正二

年并康熙六十六十一雍正元年錢糧奏銷冊籍

及秋審各案件俱奉文於六月內具

題期限甚迫暫在署料理核造事竣之日容臣馳往

逐細勘明將布蘭泰條奏緣由面與鎮臣黃元驤

詳議請

旨定奪合先奏明再沿海各衛所奉部議覆應俱裁併
現據各士民呈稱海濱要地歸併不便仍請留設
又沿海扼要處所奉查應否添設礮位事關重大
俱須親勘方得確實合併

奏明臣謹

奏

此等事件自應熟籌深計斟酌盡善然後見之施行何庸急遽爲耶

雍正三年六月初三日山東巡撫臣陳世倌謹

奏爲奏明事竊臣遵

旨密保招遠縣知縣馮慶長魚臺縣知縣劉元勳二員
因現有應調直隸州缺此二員係密封保奏未敢

遽題隨將可否一并題補緣由具奏奉

旨應保奏者遵旨密奏應題補者仍行題補兩不相妨也此奏是何意見殊不明晰欽此查新分直隸各州

缺有人未相宜者例應遴員調補臣愚以爲馮慶

長劉元勳二員洵稱勤敏應在遴選之內但既經密保不敢復於調補州缺疏內遽列其名是以將可否一并題補之處聲明請

旨今欽遵

聖諭其應調直隸各州缺臣另選有堂邑縣知縣何多
學陵縣知縣趙霖樂安縣知縣何天衢泗水縣知
縣馬兆英四員現在具

題乘此農忙停訟之時一面給咨令其赴部引

見可否補授伏候

皇上聖明鑒定臣謹

奏

既經密保自當題補何云因經密保不敢復調州缺此

語朕實不解觀汝諸事昏憤錯亂竟無一毫主見東隨西就惟揣度朕諭輾轉迎合悉如此朕不敢復批示汝矣汝爲闔省綱領諸務任汝提挈朕不過將意見指授於汝是則遵行設有不合處分割奏覆原係君臣互相商酌求合乎至當而已若一惟仰賴於朕朕既未臨齊幸魯何由而洞徹汝山左情形纖悉無遺耶

前者羅瞎子之事真成大笑話矣將無天奪汝魄乎

同日又

奏爲請

旨事竊查貴州按察使申大成借欠李樹德銀一萬八千兩前准貴州撫臣毛文銓咨稱申大成請限五年自雍正三年起每年完銀三千六百兩等情臣已具摺請

旨今又准撫臣毛文銓咨稱申大成黔省無可措變將舊日親友借貸之項開單移臣分咨順天山西江南等處照數追解申大成仍一面遣人回籍變產

陸續湊解等因移咨到臣伏查申大成請分作五年完解之處現在候

旨今所開欠其中有無著落臣不能懸揣况分咨各省追抵臣亦未敢擅便合將原開印單一并奏

聞恭請

皇上批示遵行臣謹

奏

准其五年陸續湊解至於分咨各省追抵及移咨伊本

省催解之處爾其審度而行總令無致逾限可也

雍正三年六月十八日山東巡撫臣陳世倌謹

奏爲奏

聞事竊臣奉

皇上諭旨垂詢蝗蝻曾否捕絕欽此查今歲山左各屬

據報蝻子生發者僅十數州縣臣俱委員協力撲

捕嗣據委員及該州縣陸續稟報並已捕盡惟五

月間聞江南海州之駝峯防山沭陽縣一帶湖地

曠僻甚有飛蝗臣隨檄接壤之日照等縣速行撲

捕今據該府縣稟稱適因五月多雨蝗蝻淹斃東
江南數處蝗蝻今日查弼納奏到已撲盡無遺矣
省境內並無遺患此皆我

皇上敬

天勤民保赤誠求所致謹據實恭

奏上慰

聖懷至東省自六月以來雨澤普降通省霑足將來豐
近日京畿一帶地方雨水亦覺過多
稔可期即一二低窪處所微被淹浸今十四日以

後天氣晴霽水漸消涸田禾不致損壞再運河水
勢汶衛並長漕艘遄行已過東昌者共四千二百
餘隻過臨清閘者二千九百八十餘隻盡皆銜尾
前進合并奏

聞臣謹

奏

現今抵通船隻爲雨所阻漕糧尚未入倉也

雍正三年六月二十四日山東巡撫臣陳世倌謹

奏爲奏

聞事竊臣已將秋禾雨水情形具摺奏

聞今於六月二十一二等日據東平州報稱汶水陡發
由戴村壩分流直注鹽河宣洩不及以致村舍田
禾被淹人民並無傷損臣隨委員星馳查勘并協
同該州將被災貧民酌給銀穀資其僦居餬口毋
致失所又據濟寧州報稱泗水洸河並漲漫溢民
田又歷城齊河禹城茌平汶上高唐等州縣各稱

境內窪處被淹臣並委員查勘堵禦俟勘明果否
成災另疏

題報再本月初旬陰雨連綿十二三雖開霽數日而
十八九日以來仍時降大雨各處山谿水漲沿途

渡口亦各飭添備船筏以濟商旅臣現率各員在
祈晴不如省過果自信吏治無失可保無大害若舉措
省祈晴至沙灣堤工臣今春勘估發銀修築現在
不當畏敬不至而欲以私意挽回氣數夫
安穩其餘運河堤岸俱飭令加謹防護各湖水皆
上天豈營謀巧詐之所能感動者乎
充滿合并奏

聞臣謹

奏

成災與否但祇據實上達毋得絲毫欺隱

同日又

奏爲仰體

皇仁敬陳管見事欽惟我

皇上如天好生惟恐愚民誤罹法網

特命將鬪毆各條註明刊布曉諭外省秋審情實各犯

又

命垣臣三覆屢奉

恩綸停決大哉

皇仁同符覆載臣查東省今歲秋審案件新舊共一百

二起內擬緩決者共五十四名口臣按原招有自

康熙五十一年監候至今已歷十餘載雖情罪
允當未敢盡行末減但既蒙寬貫而長繫圜扉將
來秋審案件積久愈多伏查康熙四十五年十月

內奉

聖祖仁皇帝諭旨緩決人犯至三年者總屬不決何必只管監禁嗣後減等發落欽此經部議覆奉

旨允行乃歷年

朝審未經聲明題請我

皇上慎重民命普天率土莫不共仰

皇仁臣愚以爲凡秋審案內擬緩決已過三年各犯請特頒

聖諭敕令廷臣於會勘時酌其情罪輕重或別其年分
久近有可寬減者請

旨予以減等發落則囹圄空虛而祥刑有頌益戴

皇上法外之仁於無盡矣臣冒昧妄陳是否可行伏祈

聖鑒臣謹

奏

此等刑讞大典豈朕智慮所不到之事乎爾意不過欲
摺奏後列之文集中以便沽名耳法外施仁似非爾等

平常供職之巡撫所奏之事若果欲紀載將朕硃筆諭旨一併錄入方可

雍正三年七月十一日山東巡撫臣陳世倌謹

奏爲欽奉

上諭事竊臣准部咨據溫文桂條奏疏濬平度州境內膠河緣由奉

旨著臣查明具奏欽此臣因東三郡河道多淤委原任膠州知州馮景夏逐處查勘因并委馮景夏會同

該地方官將此膠河詳細確勘今據稱平度州南鄉並非膠河溫文桂所奏乃膠萊之運河也此河自膠州海口之麻灣入口經由平度高密昌邑三州縣地方至掖縣海倉口入海現丈得一百九十九里零係元時運糧之河中間有分水嶺形如龜背水至此東西分流不能合而爲一今就地勢作兩截疏濬東半截計一十六處西半截六十五處河身窄淺止須增挑寬深惟掖縣海倉口乃全河

洩水入海之處現今流沙壅積計長五里以致河水散漫無歸淹及地畝此處應加開掘俾河水暢流入海不致泛溢則村莊地畝均有裨益但須於三四月間無大北風捲潮入口之時施工爲便此溫文桂條奏之河應行疏濬者也至膠河發源於膠州之鐵櫟山外長城嶺南經由膠州境計五十七里有奇經高密縣境計九十六里有奇入於平度州南之膠萊運河此河患在上流寬濶下流窄

狹而歸入膠萊運河之處淤淺不成河者四里有
奇淤塞如平陸者一十五里有奇水無歸宿勢必
散漫兼有百脈湖五龍河張魯河會流泛溢各州
縣雖築堤堵塞而水之去路不通難免潰決今應
將淺窄淤塞處所挑挖寬深引水歸河自無淹沒
之慮此溫文桂條奏之所未及應并行疏濬者也
通計兩河共估挑土一十四萬九千二百七十方
臣擬於農隙舉行官備器具用民之力每人日給

食米一升先將兩河淤塞淺窄處所一律開通所有膠河疏濬有益緣由謹具摺請

旨是否允當伏祈

皇上批示遵行

臣謹

奏

凡一切條奏地方事宜朕槩發與爾等督撫斟酌可否非朕所真知灼見必欲舉行之事也此所奏膠河如確乎有益則亟宜興工疏濬無益則止總在爾審定之耳

同日又

奏爲恭請

敕選興工吉期以光

盛典事竊曲阜縣

聖廟工程所需木植顏料等物非山左出產者臣接准

部咨與兩司會商委都司鈕國璽等齎銀前往江

西湖廣江南採辦木植顏料桐油又委濟南府經

歷夏禮賢前往江南購買架木並咨明工部在案

其琉璃瓦石柱甃灰等項委泗水縣知縣馬兆英等相度地勢就曲阜近處建窑燒造開採委登萊青道徐德倣兗州府知府吳關杰監理今先據夏禮賢買到架木一萬二千餘根已抵宿遷地方月杪可達濟寧便可搭架興工理合奏

聞伏祈

皇上敕下欽天監選擇啟土興工吉期以仰副

聖主崇儒重道至意臣謹

奏

據該監選定八月十二日巳時興工乃上吉之期爾其
勗勉在事各員竭力趨赴以共襄盛典速竣厥工

雍正三年八月初五日山東巡撫臣陳世倌謹

奏爲奏

聞事竊臣因曹縣太行堤被黃水衝決親往查勘自曹

縣四十里至太行堤衝斷三十餘丈地名魏家灣

水由西南東明而來勢猶滔滔不止即擬堵築因

上流蘭陽未經斷塞下流單縣地勢高阜若此口
堵築則夾堤之內上承黃流下無宣洩仍必潰堤
而出堤之内外村莊勢必盡淹因暫緩興工俾潰
堤之水入於舊黃河下歸南陽昭陽諸湖雖年久
河身淤塞不能容受因而漫溢村莊然猶有河道
可循得所歸宿現在已將衝斷處所先行裹鑲備
齊椿料俟蘭陽斷流即便堵築河臣齊蘇勒已至
蘭陽親督修築月堤臣勘至河南交界委標員前

赴蘭陽據稱決口漸淤月堤四五日內完工等語
臣發銀一千兩委守備許必榮協同黃河同知牟
銮元等覘視蘭陽決口一閉積水稍落即便興修
臣部署已定因

聖廟興工奉

旨選定八月十二日吉期臣擬於初七日暫往曲阜料
理至今歲雨水過多各州縣衛所報水災者計五
十餘處其間輕重不等率皆窪處被淹高阜之區

仍有收獲理合奏

聞恭慰

皇上軫念民依至意

臣謹

奏

所奏情形俱悉蘭陽決口已據報合龍矣

雍正三年九月十三日山東巡撫

臣

陳世倌謹

奏爲欽奉

上諭事登州鎮臣黃元驤兗州鎮臣趙國瑛抵省傳

旨令臣務將倉糧實在充足欽此臣跪聆之下仰見

皇上時時以國計民生爲念臣謹查東省銀穀歷年虧

空纍纍流抵各項因循不結臣到任後逐一清查

共虧空倉穀三十餘萬石若縣行効叅通省幾無

可留之員恐不能照數追完反於倉儲無益是以

具

奏請將通省耗羨彌補荷蒙

聖慈俞允臣隨嚴催各屬另具單批同正項起解至八

月內已補過京餉掛平銀二萬六千三百餘兩又
現存司庫耗羨銀一十二萬八千三百餘兩今歲
登萊青三府仰賴

皇上福庇秋成豐稔所有續查出虧空倉穀現催耗羨
買補民借穀石勒追照數還倉但爲數頗多恐一
時不能全完請統於明年二三月內補足至濟兗
東三府屬今歲偶遭水澇其高阜之區雖獲秋收
然通邑合計未免歉薄現今被水處所一切新舊

錢糧漕米漕項臣等悉心商議現在具疏仰籲

聖慈分別緩徵其從前虧空倉穀暫緩採買免致市價
增貴民欠穀石亦暫緩追以舒民力統容寬至來
歲秋成後照數補足如仍不完補立即叅處究追
則通省官民咸沐

皇上天高地厚之恩自必共相勉勵竭力還補務期倉
儲充足以仰副

皇上訓誡至意伏祈

聖鑒臣謹

奏

何妨寬期完補但倉糧關係重大究須如數存貯倉庾
方不有名無實

同日又

奏爲欽奉

上諭事登州鎮臣黃元驤兗州鎮臣趙國瑛抵省欽傳
聖諭臣等一一跪聆仰見

皇上綏靖海疆保衛民生至意臣等因再四會商敬抒

弱莠管見數條伏祈

聖鑒

一沿海礮臺僻處虛設誠屬無益衝處礮臺須堅
固寬敞方有實濟

聖諭詳明無微不至所有某係僻處應將礮位掣回某
係衝處應將礮臺另造容臣黃元驤查明移會臣

陳世倌飭地方官會同營員確估繪圖查核臣陳

世官臣布蘭泰臣董永艾將存餘銀兩陸續建造
務期堅實其應造礮臺幾座每年造過若干座之
處據實奏

聞

一弭盜莫如嚴查保甲大族責成甲長嚴飭各屬
照式編造文武各官協力嚴查不時巡閱倘有疎
懈照闖茸例

題叅議處

一窩家照例定擬治罪外應先搜變家產賠贓并著落地保兩隣人等查察倘有窩盜之家舉首得實量子獎賞若徇隱不報事發之日隣保各枷號重責庶盜賊無從託足

一地方官弁皆有戢盜安民責任何分彼疆此界嗣後文武官弁遇有兵役追趕盜賊至汛不即時協拏致有疎脫應按盜賊名數分別議處如兵役謊報希圖卸咎仍草責枷號嚴處庶到處皆有聲

援盜賊不能遁逸

一分遣標員彼此遊巡不得稍有懈怠臣等標下設有弁兵應各派千把二員分路遊巡接應交替此往彼來彼出此入有能查獲響賊首盜者照例議叙若怠玩疎縱即行叅處至專汛各弁亦令彼此聯絡巡查其捕盜同知以下及典史等亦帶民壯會巡仍並委道員叅遊等督察其不竭力追拏盜賊者即分別

題叅交部議處

一行客在店失事宜著落店主賠償客商至晚投宿人力困乏全賴店家隄防乃漠不關心或竟有通同引線者行客受害實甚嗣後遇有在店被盜責令店主先爲賠償俟獲賊追贓補給其無力之家不能賠償者著協同兵役捕獲正賊之日始行釋放則店家自必加謹巡防盜風亦可少息

以上數條臣等會同布政使布蘭泰按察使董永

芟仰遵

聖訓敬陳管見是否允當伏祈

皇上批示遵行

臣等謹

奏

所議前數款皆無瑕疵可以見之施行惟店家賠償一
款若遇地方良吏公平處斷猶可不然恐爾青齊道上
將無旅店矣

雍正三年十一月十一日山東巡撫

臣

陳世倌謹

奏爲報明司庫錢糧併賑濟情由事竊據陞任布政

使臣布蘭泰造送文冊印信到臣臣因布政司日

有收發錢糧之事青州府知府李秉儉居官勤慎

老成臣令其代管篆務稽查收放臣赴庫盤查據

冊開應存銀一百四十八萬五千九十二兩零內

有各營預支俸餉銀四萬五千六百六十兩零又

發修河堤工料銀二萬一千二百四十兩零以上

二項共除銀六萬六千九百三兩零其餘銀一百

四十一萬八千一百八十九兩零俱實存在庫臣
據李秉儉出具印結交送布蘭泰隨於三十日赴
京

陞見至被水五十一州縣蒙

皇上軫念民依令臣等加意經理臣仰體

皇仁酌量被災輕重次第發賑前已批委各道府大員

監散今據布蘭泰冊開共需銀四萬七千三百餘

兩臣同各司道府共捐銀三萬八千四百九十二

兩不敷銀八千八百二兩已動耗羨給發俟收餘
耗補還但時已仲冬天氣沍寒及來春青黃不接
之時窮民未免乏食臣已題請借領存倉米穀現
在檄行各屬分別極貧次貧查造確冊大口每日
借穀三合小口每日借穀二合共計四個月極貧
者先賑銀再借穀次貧者止借穀於十一月中旬
及正月中旬分作兩次借領如有混冒侵扣將監
賑官一并題叅又濟南東昌二府被水較重恐存

倉米穀不敷借領臣撥借充寧道所存捐納監穀
四萬石預備接濟仍動耗羨銀一萬兩發充運同
知楊三炯在滕嶧一帶豐收之處陸續買補還倉
臣謹

奏

務使被水窮黎人人得沾實惠以仰副朕軫恤之念

雍正三年十一月二十三日山東巡撫臣陳世倌
謹

奏爲奏明事竊兗寧道徐湛恩奉

旨陞授山東按察使仍管兗寧道事臣准部咨隨轉行

欽遵在案但按察使管理通省刑名每日各屬解
審人犯須隨時審理方免拖累而兗寧道管理通
省河務凡有工程並須親歷估驗又有黃河在西
南邊界一遇水發各工險要必須往來巡防少有
漫溢坍塌更須親駐河干相機堵築或東或西日
無定處各屬解審人犯若跟隨候審則不免拖累

若在署守候則羈留日久勢難兼顧理合據實奏
明伏祈

皇上俯鑒著徐湛恩專司按察使之事其充寧道務請
旨另簡賢員分理方不致岐誤抑臣更有請者充運同
知楊三炯久在南工熟諳河務前任高堰通判勤
慎辦理經河臣齊蘇勒題補蒙

皇上俯允補授今缺任事以來稽核工程整理堤岸才
守俱優昨臣

陞見曾經摺奏奉

旨楊三炯遇有陞轉准於山東省對品補用今若以之
補授兗寧道亦與河員題陞之例相符臣因河務
需人冒昧陳

奏可否補授出自

聖恩臣謹

奏

此奏甚是布蘭泰亦經奏過按察使不便兼管河道事

務朕另有旨

雍正三年十二月十六日山東巡撫臣陳世倌謹

奏爲奏

聞事竊臣於

陛見時奏請修復安山南旺兩湖蒙

皇上諭臣安山湖挑濬約需費若干南旺湖能否出水

須相度再定茲臣會同學士臣何國宗等沿途測量

安山湖現有積水止須修築圈堤不必更事挑濬

南旺湖亦尚有出水之處可以達運又戴村壩壩底椿木年久朽損壩石亦有坍塌應行修整經學士臣何國宗等會同河臣齊蘇勒及臣詳議現在會題此皆蒙

皇上軫念漕運民生

特命諸臣齎帶儀器逐細測量始得確知水勢高下酌定修築從此漕艘通行誠億萬載無疆之福今何國宗等將已勘之處先行繪圖定稿於十二日起

程回京臣於初八日起程由曲阜查核工料十三
何國宗等到來朕自有裁奪
日回省合行奏

聞再臨清關稅務歷來缺額唯藉臨倉耗羨彌補臣今
歲收過倉項正額七萬五千餘兩共收過耗銀一
萬三千五百餘兩除補關稅七千餘兩又解部添
平飯銀及置鞘盤費等項共用銀四千四百餘兩
知道了

尚餘銀二千一百兩零臣發銀八百兩專差千總
武珍等前往江南製造藤牌挑刀三百副分給臣

標一百副登充二標各一百副俾其演習純熟以

壯軍威餘銀一千三百兩現在省城及德州禹城

等處添設粥廠

臣

捐穀五千石即將此銀湊發充

甚好足見

汝慎重倉儲

寧道及濟南府買補還倉再沂水縣越獄一案孔

林張四回子王四禿子臣已具題正法訖今又拏

獲王六一名王化豹一名俱係有名積盜現在關

移口供審擬具題又林大丑一名在直隸威縣追

此案盜犯

務令全獲

毋使一名漏脫

拏自盡此案共獲盜犯六名未獲三名現在嚴緝

再十一月十五日得有瑞雪已經奏

聞今十二月十三四連日復得雪四寸麥根益覺滋潤
明歲豐稔可以預卜此皆我

皇上敬勤昭格之所致也


臣謹

奏

臘雪消蝗潤麥最爲有益大慰朕懷



硃批諭旨卷二十四中



總校官庶吉士臣侍朝

校對官編修臣馬啟泰

謄錄監生臣吳朝綸

欽定四庫全書卷會要

史部

硃批諭旨卷二十四下

詳校官編修臣繆晉

欽定四庫全書薈要卷七千九百八

史部

硃批諭旨卷二十四下

硃批陳世倌奏摺

雍正四年正月初六日山東巡撫臣陳世倌謹

奏爲欽奉

上諭事竊臣准部咨欽奉

聖諭著臣悉心詳查歷城等四十三州縣五衛所被水
輕處其應徵漕糧仍照部議緩徵一半被水重者准

其全緩欽此仰見

聖恩浩蕩有加無已臣隨嚴飭布政司糧道一體欽遵
并分委各道府星往確查臣查去秋被水各屬濟
南東昌二府及武定州濱州所屬之海豐霑化二
縣兗州府屬之東平州較重臣奉

旨加意經理又蒙

皇恩准借存倉米穀凡屬窮簷蔭屋莫不仰沐

弘恩臣又恐隆冬窮民口食不周先於省城及德州一

帶設立粥廠煮賑已經奏

聞在案續於聊城茌平高唐恩縣臨清武城堂邑博平
東平齊河等處一體煮賑并通飭豐收各屬如有
被水貧民到境無論本省外省亦設粥廠賑濟俟
春和分遣回籍務期仰體

皇仁均沾實惠將來遵

旨疏濬河道各得傭工贍養共慶安全數十州縣衛所
億萬蒼黎感被

皇上隆恩誠與天地同其廣大矣臣謹

奏

務令窮黎溥皆得所無一人向隅方愜朕懷舉凡可以
安全保綏之術汝力所不逮第據實密奏以聞去歲各
省俱慶豐稔惟直隸與山東歉收直隸料理甚妥諒未
必有流亡至東省之民汝但能撫恤本省百姓不致流
離失業則亦可以告無愧矣實力勉爲之

同日又

奏爲

錫福自天感

恩無地敬伸下悃叩謝

天恩事竊臣蒙

皇上高天厚地之恩畀任封疆識見闇劣罪愆多端前

因調補州缺及河夫幫貼二事臣不能仰承

聖訓冒昧陳奏蒙

皇上宏慈矜宥各降一級從寬留任正擬開印之時繕

疏奏謝茲

臣

家人齋摺回署蒙

天恩賜

臣

御書福字臣隨出郊跪迎至署恭設香案望

闕叩頭謝

恩祇受訖

臣

何人斯膺茲

異數傳爲世寶敬選良工鈎摹製扁恭懸臣署福自
天來

恩同春至通省軍民均蒙

皇上洪福五風十雨耕九餘三山陬海澨之間共慶昇平之福於無既臣感激下悃理合繕摺叩謝

天恩臣謹

奏

五風十雨之休徵全在爾等恪勤奉公調輯兵民撫綏地方有以感召之也

雍正四年三月十六日山東巡撫臣陳世倌謹

奏爲奏

聞事竊臣查得東省各屬舊河如馬頰徒駭鬲津諸河
皆係九河故道年久淤塞水無歸宿輒致淹浸民
田若疏濬流通則民田可以保衛且可洩運河之
泛漲而去秋被淹貧民傭工得以度日是以上年
十一月間具疏

題明隨委員確估三月初一日繕摺奏

聞一面通飭各屬於三月初四日興工十二日接到九
卿公字以時屆三月農務正殷應停止此工俟學

士何國宗等會勘再定今又蒙

皇上特遣侍郎臣阿克敦員外郎臣富彌善來東再加

商酌定議仰見我

皇上聖慮周詳愛民如子惟恐停止工役貧民或致失
所

帝心廣運同於覆載臣於三月初一日具摺之後隨於
初四日准學士臣何國宗等知會是月望間來東
查勘等語待其到來會勘定議更屬周詳允協至

各屬饑民疊荷

皇恩賑恤至深極渥復蒙

恩諭將老弱之民日給升合之資至麥熟停止民情感戴歡呼動地現在分別大小口逐日給錢其挑河夫役皆係各州縣本地人民易於散遣況借領米穀原至三月中旬目下所領工價更可餬口惟四月後距麥秋尚有月餘或實有貧民無計謀生者臣等自當加意經理酌賑銀米必不使至失所有

負

皇上愛養元元至意除侍郎臣阿克敦等定議回京復

命外理合恭

奏以慰

聖懷臣謹

奏

再不料爾如此孟浪行事朕初猶未解今阿克敦旋都
奏朕始明爾此舉非顛狂而何似爾居心不誠之人遇

事自必非過則不及也殊爲可笑之極

同日又

奏爲恭謝

天恩事竊臣接家信知臣弟世侃姪源生若嶠均蒙

皇上聖慈俯准部議納贖免罪臣捧閱之下不禁感激涕零隨恭設香案望

闕叩頭謝

恩訖伏念臣父子兄弟世受

殊恩涓埃莫報臣罪愆多端疊蒙

恩宥臣弟世侃身蹈重辟復蒙

皇上曲賜矜全再造

隆恩雖天覆地載無以逾

聖澤之高深臣刻骨銘肌莫罄微忱之感激合家長幼
子孫男婦惟有頂戴

皇仁力圖報効於生生世世而已謹繕摺叩謝

天恩伏祈

聖鑒臣謹

奏

爾弟兄輩類斯妄行不法干犯刑辟爾復如農忙開河之事舉行數件則可謂闔家長幼刻骨銘肌報效於國家矣

雍正四年四月初六日山東巡撫臣陳世倌謹
奏爲恭報甘霖普被仰慰

聖懷事竊東省於三月十五日得雨二三寸而東究一

帶尚未溥遍臣於初二日自省起程會勘河道初
四日抵東昌府沿途麥苗青葱繁茂正在望雨之
時初四日甘雨密降至初六日方止計得雨六寸
有餘徧處霑足二麥豐收轉瞬可期且雲氣甚廣
遠近人民羣頌我

皇上仁愛萬民上孚

蒼昊沛茲甘霖以惠農畝謹繕摺恭

奏仰慰

皇上勤民至意至各處老弱貧民復蒙

皇恩賑濟臣與布政使張保酌議大口每日給大制錢

十文小口五文自三月十五日起至五月十五日

止口食有資並皆得所臣所過村莊莫不歡呼環

聚感頌

天恩合并奏

聞臣謹

奏

朕正在懸望東省雨信今覽此奏殊大慰朕懷也

雍正四年四月二十日山東巡撫

臣

陳世倌謹

奏爲奏

聞事竊東省於四月初四日得雨至初六日普遍霑足

經臣繕摺奏

聞初七日以後連日得雨二麥之繁茂者今已秀穗秋
禾之已種者今已長發未種者皆已佈種齊全衛
河於十四五等日長水一丈二尺至十六日即退

二尺水勢漸平汶水向深四五尺不等今雨後約深一丈三四尺漕運通達無阻至芝麻莊工程最爲險要一有衝決匪止黃河一帶民田廬舍所關兼有礙於漕運臣去歲曾經面奏蒙

皇上諭臣齊蘇勒估計工料共銀一萬二千餘兩但估計在冬季水落之時今興工已屆春汛水勢漸長與所估埽面相平不得不加高增寬以資堵禦且需柳十萬束而官園之柳不滿一萬束若責之

該縣辦墊無項可措必致束手設有疎虞即嚴叅

此舉

究追而運道民田被衝彼時再圖堵築工費更繁
曲突徙薪之謂也寧可過於慎防不可惜小費而

遺大

害飭令加意守護毋怠
縣徐文燦晝夜備料堵築務保無虞理合奏

聞再沂水縣越獄盜犯孔林等九名陸續已獲六名今
此等積年大盜姦詐巨測或有頂替名姓者俱未可定

倘地

又緝獲林六張二回子二名止餘高四一名未獲
現在官因迫於嚴旨故令假冒塞責以李代桃將來

發覺
聞臣謹

為朕所聞爾之干係匪輕此處極當詳審

奏

知道了

雍正四年五月初一日山東巡撫臣陳世倌謹

奏爲二麥指日登場請及時購買以實積貯事竊東
省各屬麥穗異常茂盛目下將屆收穫之期豐稔
可必但民間每不知撙節易於耗費茲秋禾雖皆
滋茂而收成尚遠際此麥熟之時急宜購買以仰
副我

皇上慎重倉儲至意臣查各屬存倉米穀歷來虧空流

抵未經補足亦有實借在民遇歉未經繳還令司
庫收過從前出糶監穀銀及耗羨內已補穀價有
發給州縣尚未報買還倉者有去年被淹難買存
司未發者若必俟秋收買穀尚需數月莫若趁此
二麥豐熟畧爲變通檄飭各州縣將穀價先糶麥
石貯倉其民欠米穀並准交麥抵算俟秋收後仍
以麥易穀以爲經久之計一轉移間倉儲得以預

備而民欠亦得通融完納似於

國計民生均有裨益至去秋被淹貧民蒙

皇上天恩借給存倉米穀今亦聽其先將麥石繳還免
致耗費此糴買麥石悉照民間市價斗斛公平交
易不許短價強勒如有借端派擾臣不時嚴叅則
弊端杜而輸將更易矣事關積貯謹具摺奏

聞伏祈

皇上批示遵行臣謹

奏

覽奏朕甚嘉悅此事當題奏經部議覆令各省督撫悉知將來亦可法汝此舉通融辦理也具本時不必引旨今一面即行購買具題到日朕自照汝所請准行

雍正四年六月十五日山東巡撫臣陳世倌謹奏爲奏

聞事竊東省各屬蒙

皇上敬

天

君臣共勉之
勤民至誠昭格今歲雨暘時若二麥豐登現在秋禾並

朕甚慰悅

代汝慶幸之至

皆暢茂而河水充盈重運漕船已於六月初十日

全過臨清北上臣查較上年又早一月此皆我

皇上睿照周詳整飭漕運故兩年以來益加迅速臣現

在

題報至平原縣蝗蝻臣委標員協同該地方官多撥

今歲

但恐雨水過多耳蝗蝻似不足爲慮

人夫星夜竭力撲捕已據報捕盡合并奏

聞臣謹

奏

知道了

同日又

奏爲遵

旨具奏事竊臣准吏部咨開奉

旨掣得垣曲縣缺楊自欽係進士出身看來人去得著
補授曹州知州行文與陳世倌試看若做官好令其
摺奏欽此嗣據楊自欽申報於上年八月二十五日

到任臣細加體察楊自欽爲人雖稍拘執而操守廉潔凡遇差委不避勞苦往來屬邑芝蔴莊催工儻料辦事頗勤謹遵

旨據實奏覆伏祈

聖鑒臣謹

奏

國家用人治理攸關切毋專務迎合朕果有深知處豈復需爾等試看率皆向來一面不識之人於引見時觀

其應對舉止及所奏之履歷畧具才情者朕偶或獎勵
數語亦不過示鼓舞之一端耳即其人爲朕所素知亦
不能保其始終不渝全賴爾等秉公甄別據實奏聞也
當領悉朕意

雍正四年六月二十五日山東巡撫臣陳世倌謹
奏爲奏

聞事竊東省二麥豐收臣業經

題報在案至各屬秋禾遍處茂盛異常將來大有可

期惟六月十二至十八連日陰雨時止時降十九

日以後方始開霽

臣

委員分路查看高阜處所秋

禾繁茂如常其低窪處稍被淹浸而禾苗高出於

如

朕諭否

水者仍無妨礙止有平原禹城一帶乃極窪聚水

之區青州府屬山巒環繞水易停瀦民房田禾間

有坍塌損幸此際方屆大暑節候正可補種

臣

已嚴

飭地方官確查并勸農民及時補種晚穀雜糧以

冀秋成現在天氣清明水漸消涸人民樂業地方

俱各安靜前據報有蝗蝻生發之處亦如朕諭否皆撲捕盡
絕芝麻莊工程現今平穩理合奏

聞仰慰

皇上宵旰勤求至意臣謹

奏

斷不可高興自得尤不可稍涉疎懈但盡我君臣一念
誠敬靜聽

上蒼之垂佑可也

雍正四年七月初三日山東巡撫臣陳世倌謹

奏爲奏

聞事竊臣因往沿海一帶查看衛所及稅口情形於六月二十六日自省起程已歷濟南青州萊州三府地方目擊各種秋禾現俱秀穗茂盛異常惟鄒平長山縣境內前因陰雨連綿微被淹浸然通縣合計不過十之一二而時未立秋尚可補種蕎麥豆雜糧臣已嚴飭該縣履畝勸諭及時補種以冀秋成

其餘各地方人民樂業共慶豐年謹將目擊情形

據實奏

聞仰慰

皇上宵旰勤民至意臣謹

奏

據奏實慰朕懷但宜糾察庸劣勗勉循良尤宜於靖盜
安民時時加意俾村氓得優游南畝婦子恬熙則自能
上感

天和也勉之

同日又

奏爲奏明關稅贏餘銀兩事竊臨清鈔關因當閘河之北口冬春二季凍河挑淺並無船隻往來而漕艘盛行之際沿途閘座啓閉稽阻以此商人經由者少稅額歷來不足俱將臨倉米折耗羨補足起解去秋及今夏河水充足商船湊泊據委員王協燦報稱自上年六月十六日起至今年六月十五

日上一年期滿收得正稅及分規耗羨飯錢共銀
五萬九千一百九十四兩零內除解部額稅并銅
觔水脚及各項雜費外共贏餘銀一萬二千三百
七十五兩零現在備具文批同正額一併解部理
合據實奏

聞至臨倉耗羨今歲關稅有餘無庸撥補目下正在徵
催俟奏銷時另行具

奏合併聲明

臣謹

奏

此爲向來罕有之事朕自嘉汝之據實上達不以今歲爲例也

雍正四年七月二十日山東巡撫臣陳世倌謹

奏爲奏

聞事竊臣接到部咨內開浙閩總督臣高其倬奏請委員赴山東及江南之淮安所屬濱海州縣買麥運閩接濟緣由奉

旨行文山東江南二省即遣能員協同辦理如高其倬
差員未到著該撫借支錢糧預爲買備務令速發以
濟閩省之用欽此仰見我

皇上軫念民隱宵旰勤求酌盈劑虛之至意臣查東三
郡重山複嶺運赴水次較難且本地商船寥寥無
幾誠恐耽誤若于西三郡沿河一帶麥多之處上
緊購買預先運至淮安俟閩省差員抵淮即并交
付接收運回既免閩員遠涉往返而隨到隨運更

覺迅速臣仰體

聖心飛飭充寧道督率沿河州縣星速買麥五萬石遴
委同知通判等官僱船運送赴淮并咨會督臣高
其倬查照外理合奏

聞臣謹

奏

辦事原貴通變庶無膠固之失此番料理殊屬可嘉知
道了

雍正四年八月初四日山東巡撫臣陳世倌登州

總兵官臣黃元驤謹

奏爲敬陳採訪事宜仰祈

睿鑒事竊前任布政使布蘭泰摺奏海疆四條欽奉

硃批命臣與鎮臣黃元驤詳議密奏欽此臣隨同黃元

驤細加商確敬爲我

皇上陳之

一奏稱兵船宜扼要巡防等語臣等會看得東省

海洋北達天津南通江浙對渡係

盛京地方綿長二千餘里膠州向爲南汛登州向爲
北汛康熙四十三年間始倣浙省船式打造趕繒
船十隻現今遊擊守備各帶船五隻兵二百五十
名分駐登膠二處每年屆期出哨遊巡凡南來海
船欲往膠州必先由靈山衛經過膠州近在內地
設遇有警一時不能策應應如所奏將膠州水師
船兵移駐靈山衛往來巡哨庶呼應更爲迅捷至

北來海船未到成山衛先可直達登州不可無水
師策應且成山島洋面最險實難泊舟應將所奏
登州水師移駐成山衛之處無庸議

一奏稱海口宜分別堵決等語臣等會查得海口
泊船地方俱在海水通流不致淺擱之處其海口
七十四處內有商船停泊及魚筏出入現在抽稅
者計二十六處其餘各口大率潮至則水湧潮退
即成平陸且有沿邊灣曲之處亦名海口而並無

船筏出入若盡用椿橛堵塞近山則石脚嶙峋難以施工近水則浮沙虛鬆無從著力應將所奏椿橛堵塞之處無庸議

一奏稱海舟宜給單查驗並照會彼處口岸查驗等語臣等會查得東省造船者甚少其採捕魚蝦俱紮木爲筏並無蓬桅不能遠涉外洋但出入之際稽察不可不嚴本地之裝載貨船臣世倌已經通飭各州縣給以印單務將客商並附載之人姓

名及貨物名件賣貨地方同船戶水手姓名一一
開載聽各汛掛號查驗其魚筏編號向無人數及
水手姓名年貌今應如所奏無論商船魚筏俱一
一開載單上給領備驗再海舟行駛全憑風信所
到口岸既有印單查驗無可朦混若必預先照會
恐風潮歧誤應將所奏照會彼處口岸驗單之處
無庸議

一奏稱海口宜撥員抽稅每年約畧可增稅銀一

萬餘兩等語_臣等會查得東省進口貨物原止有

紙張磁器布疋棉花出口貨物亦止豆棗醃豬魚

鯊居多並無大商洋貨今_臣等酌議膠州萊陽二

處向爲商船起卸之所膠州海口應委萊州府監

收萊陽海口應委登州府監收其餘各海口船筏

無多抽稅有限仍著地方官徵收各知府稽查總

歸布政司查核造報向有文武各衙門分規應盡

歸出以充公用但稅規兩項出於船筏而船筏之

多寡又視年歲之豐歉其間盈絀實無一定之數
臣等再三籌畫每年抽稅額數應照雍正四年二
月戶部議覆條奏各省地方官抽稅之處除收過
正額外將贏餘銀兩據實奏

聞之例於每年歲底查明正額贏餘各數分析

奏報如有欺隱立即題叅則稅課不致私肥矣

以上四條臣等謹按陞任布政使布蘭泰原奏遵
旨詳議謬叅管見是否允當伏乞

聖明裁定批示另行具

題_臣等謹

奏

所奏甚屬妥協應題者具本題奏應報部者咨部存案

雍正四年九月十八日山東巡撫_臣陳世倌謹

奏爲恭謝

天恩事竊_臣家人齎摺回東蒙

皇上天恩賜_臣哈密瓜一枚_臣隨恭設香案望

闕叩頭謝

恩祇領訖伏念臣蒙

皇上高厚之恩畀任封疆毫無寸效愆尤日積屢沐
聖慈矜宥茲復蒙

皇恩優渥

頒賜遠方異品臣跪受之下既感格外之

殊榮益慚報稱之無地臣謹具摺叩謝

天恩伏祈

聖鑒臣謹

奏

覽爾奏謝知道了李樹德借欠認賠一摺已發部議再
者王之錡尤清二人雖其才可用然審觀其爲人似非
誠實可信者汝當留心察訪試驗而委用之母因係朕
特遣之人遂爾傾信恐將來或累及於汝況已有旨備
汝屬員之用並非欽差也如稍露不妥當情形即便奏
聞若令其鋪張日久則難以收束矣特諭

雍正四年十月初六日山東巡撫臣陳世倌謹

奏爲

聖主之施恩逾厚微臣之感激難名叩謝

天恩敬伸下悃事竊臣母在籍病故遵例呈報丁憂奉

旨命臣在任守制給假回籍料理并令臣酌定幾月之

前寬釋

汝弟時朕遺忘汝之二姪今已有旨矣

限事畢回任至臣弟世侃臣姪源生若嶠皆身犯

重辟今蒙

特恩將臣弟世侃釋放回家未完銀兩准其陸續交完

仰沐

皇仁矜恤周摯臣之不敢泣籲而仰冀者

聖心已無不垂憐曲體聞

命之下闔家男婦老幼感戴

天恩莫可名狀謹望

闕叩頭謝

恩臣於十月初四日接准部咨隨於是日將印信交布政使張保暫行署理初五日又准部咨奉

旨命臣俟署撫臣塞楞額到任之後再起身回籍臣在

省候塞楞額到日將東省事宜詳細面述臣即行

起程臣回籍後何敢以私廢公遷延時日所有假

限臣不敢擅定惟求

汝具此國而忘家之心朕實嘉之但限由朕定若稍促

皇上錫類宏仁

迫汝料理不及不如不賜假矣總之地方緊要回任愈

批賜幾月臣即遵限回任矢竭駑駘以冀仰報

速愈好汝仍自行斟酌可也

高厚於萬一除移明布政使張保代

題外特此恭摺叩謝

天恩臣謹

奏

覽

同日又

奏爲據實奏明事竊司庫錢糧凡屬正項俱由巡撫衙門掛號布政司兌收其捐解銀兩從前竟赴該司投收巡撫並不掛號無案可查是以司庫交代惟以新司冊結爲憑上年十一月內張保到任後

臣即飭其徹底清查今年二月內據張保詳送冊結內稱司庫錢糧俱已清楚並無混淆虧缺臣赴庫按冊盤查果皆實貯遂據結具

題在案迨六月內臣起身查勘海疆時據張保面稟

從前各司收過歷年俸工銀兩其間支銷款項多

有無批案可據者臣聞之不勝疑駭該司先曾出

結今豈容有絲毫不清遂面飭其即速查明確數

以便聯銜會奏去後臣從海疆回署復經面催票

催據稱欸項繁雜尚未查清直至九月十九日始據張保送冊三本并據詳稱業已繕摺

奏明等語臣於二十日黎明即聞臣母之信現在候旨是以未便遽

奏令蒙

恩准臣回籍合將張保並不造報同

奏情由據實奏

聞至細查張保冊內不獨博爾多任內支銷俸工有未

詳明批案者從前程光珠任內支銷更多除將張
保詳送原文原冊移送侍郎臣王沛懷會審外理
合奏

聞臣謹

奏

知道了此事與爾無涉便有批詳存案亦係被伊等朦
混冒支究非爾自行支銷也但爾之待博爾多因係潛
邸舊人於此等處一味曲徇俯就則誠有之天下人率

苦不能喻朕之存心耳徐徐自當洞悉若以光天化日
視朕則庶幾不謬外此頭頭是錯步步皆踐荆棘矣眼
前分明平易坦途多不肯行奈何

同日又

奏爲奏

聞事竊春間挑濬河道據布政使張保詳報發過銀八
萬餘兩停工後各屬共解還銀六萬八千七百餘
兩實用過銀一萬一千三百餘兩此疏濬河道臣

原請於耗羨內補還工費今先將臨清倉九月十五日以前收過耗銀八千一百九十八兩零補還司庫其餘俟續收耗銀再補此項工程臣實冒昧舉行目今所挑河道即係春間所挑之河做過工程可以相抵臣不敢不據實奏

聞伏祈

聖恩准賜抵補則臣頂沐

洪慈於無盡矣臣謹

奏

果係做過工程理應抵銷汝回任時將抵補情由具題可也此旨無庸引入

雍正四年十一月十六日山東巡撫臣陳世倌謹奏爲恭謝

天恩事竊臣蒙

皇上錫類宏仁賜臣回籍以盡人子私情臣弟世侃又

蒙

特恩釋放回家

高厚洪施逾於覆載臣業經恭摺叩謝

天恩茲臣姪源生若嶠復蒙

洪恩一并釋放

皇仁浩蕩有加無已雖天地之雨露父母之愛育亦不能如

聖恩之周摯淪浹也臣惟有竭盡心力共圖報稱於萬

一謹繕摺叩謝

天恩臣前恪遵

諭旨候署撫臣塞楞額於十月十二日到任臣將東省

事宜交明於十三日起身途次蘇州跪接

硃批奏摺蒙

聖諭仍令臣自行斟酌假限臣何人斯蒙

皇上委曲矜恤至於此極臣不勝感激涕零臣於十一

月初六日抵家現在竭蹶料理臣受此

殊恩何敢遷延時日臣過百日後即遵

旨星馳就道勉效犬馬微忱合并

奏明

臣謹

奏

不料爾等浙江人乃恩德所不能感化者狼子野心聚
於一方大奇更不料陳世倌如此負朕似此竭盡心力
之報稱朕實不敢希望亦不敢復用爾輩此等忠良人
物也殊爲可愧

雍正五年六月二十八日原任山東巡撫臣陳世

官謹

奏爲恭謝

天恩事竊臣一介庸愚荷蒙

皇上簡畀封疆兩年有餘罪愆叢積重負

聖明委任殊恩惶懼愧悔日夕靡寧復承

恩旨命臣管理江南水利事務凜奉

聖諭勉臣以潔已勗臣以奉公訓示諄切感愧無地所

有濫支供應一案革職允宜乃蒙

皇上格外垂慈僅予降調聞

命感激無能報效萬一惟有盡心竭力黽勉奉公以期

仰副

皇上訓誨至意緣在河工未敢詣

京恭謝瞻望

似此虛文套語朕殊厭觀

闕廷依戀無已謹繕摺恭謝

天恩伏祈

聖鑒至江南河工事宜劉河已經開竣遠近士民無不

踴躍歡呼歌頌

聖德其餘應濬河道因農務正殷在工執役之夫即係

原當於農隙興工所謂使民以時也

力田農民一時未遑趨事兼之暑雨時行暫行停工郎中臣鄂禮已於六月十四日到蘇公同撫臣

陳時夏悉心商確另行會奏請

旨次第興修合并奏

聞臣謹

奏

條陳一摺留中候發廷議

雍正六年正月二十九日原任山東巡撫今革職

臣陳世倌謹

奏爲恭謝

天恩事雍正六年正月二十一日准署督臣范時繹咨
准刑部咨奉

旨陳世倌著革職從寬免其治罪仍在江南水利工程
效力行走餘依議欽此相應移咨欽遵查照等因移

咨到臣臣隨於舟次敬設香案望

闕叩頭恭謝

誠之者人之道也夫既不誠雖明必愚雖強必柔此顯

天恩伏念臣才識短淺罪愆叢積屢沐

然易見之理非關才識短淺之故人每不能擇善固執

殊恩矜全格外至再至三

好用一己私智棄本逐末焉有不漸就昏憤者乎如年

聖德之併懔已極臣心之報稱無由茲因魯爾斤一案

羹堯隆科多豈才識短淺人耶因縱其私欲蔽已之明

復蒙

如蠶吐絲而反自縛其身耳但能將從前妄念障礙洗

皇上如天之仁免其治罪仍

滌淨盡總不趨利亦不避害既不計得更不畏失惟秉

命於水利工程效力行走宥之於無可宥之中用之於

一公堅持力行時自體驗當確有得力處勉遵朕諭試

行看斷不誤汝也

恩逾高厚感切生成自此惟有竭力奉公勉策駑駘誓

圖報效以期仰副

皇上格外矜憐至意臣不勝感激悚慄之至謹具摺恭

謝

天恩伏祈

聖鑒臣謹

奏

覽此奏若果出於至誠將來必有善應但恐亦屬紙上
虛文耳

同日又

奏爲據實奏

聞事竊惟三吳水利關係民依我

皇上加惠元元

特發帑金浚河建閘絲毫不費民財

殊恩曠典千載一時所浚白茆孟瀆德勝九曲各河及

吳淞江西段四十餘里俱已次第完工其東段一十八里現在續浚俟告竣之日臣等會疏

題報七浦徐六涇福山塘長橋北河萬頃港互流港等處俱於本月十六日啓土興工但江南募夫情形與北方不同因江南農務少閒應役者寡不能不經里甲催募而吳淞白茆兩河工程尤鉅每日各須夫三萬人一縣不足供役歷來舊例浚吳淞則崑山嘉定青浦諸縣協幫浚白茆則太倉長洲

崑山無錫江陰諸州縣協幫均屬水利霑溉之地
刊載府縣志書今仍照例分募夫役既多每夫十
名須一夫頭總領往來照管炊爨飯食既不復任
挑土之事而畚箕繩索草屨諸項勢須置買更易
以及他縣應募之夫又有往來費用衆業戶仰體
皇仁量爲幫貼以助窮民雜用使九錢一方之官價窮
民得沾實惠此出衆業戶自願並非勒派乃奸民
蠹役乘機作弊亦間有之臣等於上年自蘇起程

前赴江寧淮揚等處會勘河道回至鎮江即遍歷
各河工所細加密訪出示遍諭嗣訪有青浦縣奸
民陸子英等借端詐派隨發松江府審究昭文縣
武生周祖望等索詐多金隨發蘇松太道審究又
訪得武進縣工房書吏派夫包攬江陰縣蠹役勒
索里長銀兩乃該縣知縣等毫無覺察臣等已咨
明撫臣陳時夏聽候嚴提分別叅究今恪奉

聖諭仰見我

皇上至聖至明無微不燭除刊示通行曉諭外所有訪查聞見緣由不敢不據實奏

聞伏祈

聖鑒_臣等謹

奏

覽此奏已洞悉彼處一切情形諒爾等豈爲無理之舉然究須洽衆論順民情詳慎力行百凡直達無隱勉之
雍正六年三月十三日原任山東巡撫今革職_臣

陳世倌謹

奏爲恭奉

聖訓敬申謝悃事竊蒙

皇上如天之仁法外寬宥謹具摺恭謝

天恩復蒙

諭旨諄諄訓誨仰見我

皇上以至公至明之心闡示大聖大賢之理以至正至
確之論開導極昏極憤之人如日月之光昭有目

共見如雷霆之鼓動觸物皆通臣跪讀敬繹汗流
浹背若醉忽醒若夢初覺祇緣向來未經外任少
所閱歷一旦驟膺封疆重寄日夜惴惴惟恐有負
職守戰懼之念過深瞻顧之私滋起遂至畏首畏
尾日蔽日昏清夜捫心漸覺從前所爲百無一是
茲奉

天語提撕至訓警悟不禁慚悔無地乃知堯舜治道洙
泗心傳總不外一誠字背此而行不惟無以對

聖明亦且難以立人世惟有早作夜思洗心滌慮痛自
改悔敬奉終身感戴

聖慈永永無極謹繕摺恭

謝伏祈

聖鑒

臣謹


奏

改過二字係至難之事非大丈夫大聰明人不能也
覽汝所奏二摺據稱清口淤阻鹽引遲壓等語現今淮

水暢流淮商願請分年帶銷汝均未之聞乎至於

聖祖治河方畧天下人孰不知何待汝之稱頌耶承辦之
事不能盡心竭力告竣而妄生越俎之思莫非又爲文
集起見耶凡此密奏事件若少存邀名之念於中恐貽
害身家不淺慎之慎之

硃批諭旨卷二十四下



總校官庶吉士臣侍朝

校對官編修臣馬啟泰

謄錄監生臣吳朝綸